

CLASSIS DECIMA OCTAVA. 435


poret igne arenæ quarta circiter humiditatis pars, residuum reponatur in cella vinaria, aut alio loco frigido, in quo per quinque vel sex horas quiescat, sientquæ crystalli cœruleæ, quæ separentur, & per-gatur evaporando, ac crystallifando, donec totum extractum fuerit, dein exsiccentur crystalli, & in phiola probè obturata asserventur.

*Virtutes sunt caustica, hinc ad superfluas carnes absumendas adhibetur.*

VITRIOLUM VOMITIVUM, SIVE  
GILLA THEOPHRASTI.

℞. Vitrioli albi, quantum placet,  
Dissolvatur in aquæ fontanæ sufficienti quantitate in vase terreo, solutio filtretur, & inspissetur.

*Vomitum potenter movet, hinc non nisi cum circum-spectione robustis subjectis exhibetur.*



CLASSIS DECIMA NONA,  
DE QUORUNDAM  
SIMPLICIUM

Ex tribus regnis desumptorum præpa-  
ratione.

---

Æ S U S T U M.

Laminæ cupri cum sulphure stratificantur, & comburuntur.

I i i 2

ALOES

## ALOE S LOTIO.

Aloes hepaticæ vel succotrinæ, quantum placet,  
Pulverifetur, dein solvatur in aqua pluviali calida,  
& colatura leni igne inspiffetur.

## AMMONIACI GUMMI PRÆPARATIO.

Gummi ammoniaci quantum placet,  
Solvatur in vino generoso, coletur, & postea vinum  
leniter coquendo rursus evaporet.

Ad hanc normam præparatur

Gummi galbanum,  
Opopanax,  
Sagapenum.

ASELLORUM, SEU MILLEPE-  
DUM PRÆPARATIO.

Millepedum quantitas pro libitu sumatur, abluantur  
diligenter vino generoso, & mox in umbra exsic-  
centur.

Sic etiam parantur

Lumbrici Terrestes.

## BOLI ARMENÆ PRÆPARATIO.

Bolus armena lævigata eluatur in aqua tormentillæ,  
& decantetur toties per inclinationem, donec arenu-  
læ & sordes omnes in fundo remaneant, ablata aquâ  
in sole vel aëre siccetur.

Similiter convenienti aquâ paratur

Cerussa veneta,  
Creta coloniensis,

Terra





438 CLASSIS DECIMA NONA.

gantur, lævigentur lege artis super porphyritem cum aqua borraginis, & formentur in pastillos.

Sic convenienti aquâ paratur

Cornu cervi ustum,  
Lapis ætites,  
Alabastrinus,  
Hæmatitis,  
Judaicus,  
Lazuli,  
Lyncis,  
Magnetis,  
Malachites,  
Nephriticus,  
Ostiocollæ,  
Percarum,  
Spongiæ,

Margaritæ,  
Mater perlarum,  
Oculi crancrorum,  
Spodium,  
Succinum album,  
Citrinum,

Unicornu fossile.

CRANII HUMANI PRÆPARATIO.

Cranii humani violentâ morte precepti, & ab omni immunditie liberati ac raspati pro libitu contundatur, & cum aqua liliorum convallium minutissimè teratur, dein exsiccetur.

Tali methodo parantur

Cornu alcis  
Rhinocerotis,  
Dentes apri,

Dentes



Dentes Hippopotami ,  
Ebur sine igne ,  
Lapides carpionum ,  
Mandibulæ lucii piscis ,  
Priapus cervi ,  
    Ceti ,  
    Tauri ,  
Tali leporis ,  
Ungula alcis ,  
Unicornu verum.

ERINACEI USTIO.

Fit in novo fictili vitreato , usque dum in cinerem redigatur.

Hoc modo parantur

Bufones ,  
Hirundines ,  
Lepores martiales ,  
Pilæ marinæ ,  
Ranæ ,  
Sericum crudum ,  
Spongiæ marinæ ,  
Talpæ , & similia.

HEPATIS ANGUILLÆ PRÆPARATIO.

Fit unâ vel alterâ lotionè in vino generoso , sequenti dein exsiccatione.

SANGUINIS HIRCINI PRÆPARATIO.

Hircus mediocri ætatis alatur per mensem pimpinellâ , apiò , petroselinò , malvâ , levisticò , chæresoliò , & mactetur circa tempus canicularium , tum sanguis ejus ex arteriis fluens excipitur , ut concre-

cat ,

440 CLASSIS DECIMA NONA.

cat, hinc aqueo ichore effuso grumi in furno exsiccentur.

JECORIS LUPI PRÆPARATIO.

Jecur lupi vinò adorado lotum exsiccentur in furno, & santalo citrino pulverisato inspergatur, atquè locò siccò asservetur.

INTESTINORUM ET GUTTURIS  
LUPI PRÆPARATIO.

Ab omni pinguedine liberentur, & vlnò lota exsiccentur.

LAPIDIS CALAMINARIS PRÆPARATIO.

Candefiat in crucibulo, ter vel quater, & toties extinguento in aqua plantaginis, tandem super porphyritem levigatus eadem aquâ in pastillos redigatur.

Hac methodo cum appropriatis aquis paratur

Lapis carneoli,  
Chrysoliti,  
Crytalli montanæ,  
Granati,  
Hyacinthi,  
Rubini,  
Sapphiri,  
Sardæ,  
Smaragdi,  
Topazii,  
Tutia alexandrina.

OCULORUM CANCRORUM  
NUTRITIO.

Oculorum cancrorum crudorum pulverisatorum quantum



## CLASSIS DECIMA NONA 441

tum lubet, instilletur succus citri ad saturationem, tum in umbra rursus exsiccentur.

### PULMONIS VULPIS PRÆPARATIO.

Pulmones vulpis recentes, exemptâ priùs asperâ arteriâ, in vino albo cum hyssopo & scabiosa coquantur, & in furno temperatè calido exsiccentur.

### SCILLÆ SEU SQUILLÆ PRÆPARATIO.

Scilla magna recens, rejectis aridioribus tunicis extimis, pastâ panis involvatur, & in clibano ad panis sufficientiam coquatur, exempta, & in laminas dissecta filo trajiciatur, ita ut una lamina alteram non tangat, & loco sicco suspendatur, donec exsiccata fuerit. Notandum: ad disseccandam scillam ferreum cultrum non adhibendum, sed ligneum, eburneum aut osseum; panis statim sine usu abjiciatur, ne sumentibus noxam pariat.

### TEREBINTHINA COCTA.

Sumatur terebinthinæ claræ quantitas ad libitum, coquatur in aquæ fontanæ sufficienti quantitate ad spissitudinem, separetur ab aqua, & servetur pro usu pilularum.

Tali processu etiam paratur

Balsamum copaiviæ.

### VIPERÆ VIVÆ PRO JUSCULIS PRÆPARATIO.

Vipera ex italia allata, priùs virgulâ cæsa exacerbetur, ex post abscissâ caudâ & capite pellis detrahatur, exenteretur, spina optimè abluta & concisa pro jusculo adhibeatur; axungia, hepar & cor separatim servantur pro speciali usu.

K k k

INDEX